

元和郡縣志卷二十

唐 李吉甫 撰

河北道一

懷州 河內雄

開元戶四萬五千八百四十六 鄉八十九  
元和戶八千七百四十一 鄉三十五

今為河陽三城懷州節度使理所 管懷州 管縣  
十 內河陽汜

水溫縣濟源河清等五處事具河南府  
案此與後魏博節度使都管戶數並傳寫缺

禹貢冀州之域覃懷之地周為畿內及衛邢雍三國春秋時屬晉七國時屬韓魏二國秦兼天下滅韓為三川

元和郡縣志 卷二十

一

郡滅魏為河東郡今州為三川郡之北境河東郡之東境楚漢之際項羽立司馬卬為殷王河內高帝二年卬降以其地為河內郡領縣十八理懷後漢世祖南定河內難其守鄧禹舉寇恂世祖謂恂曰河內殷富吾將因是而起昔高祖留蕭何鎮關中吾今委卿以河內恂遂伐淇園之竹理矢百餘萬養馬三千匹收租四百萬斛以給軍事由是東漢之業濟焉晉河內郡移理野王隋開皇三年罷郡置懷州武德二年陷賊其年于河清縣界柏崖城置懷州四年討平王世充自柏崖城移于

今理今屬河陽三城

州境東西二百一十七里南北一百一十五里

八到西南至上都一千一十里西南至東都一百五十里

東至衛州二百六十里東南渡河至鄭州一百九十里北至澤州一百四十里

貢賦開元貢 牛膝

元和貢 賦 絲 綿 絹 平紬 十疋 牛膝

### 管縣五

河內 武陟 武德 修武 獲嘉

### 元和郡縣志 卷三

河內縣望郭下

開元戶一萬八百五十四 鄉二十一

本春秋時野王邑左傳曰晉人執曼弱于野王是也漢以為縣屬河內郡隋開皇十三年改為河內縣皇朝因之

太行山在縣北二十五里禹貢曰太行恒山至于碣石注曰二山連延東北接碣石

太行陁在縣西北三十里連山中斷曰陁述征記曰太行山首始于河內自河內北至幽州凡有八陁第一曰

軹關陁今屬河南府濟源縣在縣理西十一里第二太行陁第三白陁此兩陁今在河內第四湓口陁對鄴西第五井陁第六飛狐陁一名望都關第七蒲陰陁此三陁在中山第八軍都陁在幽州太行陁闊三步長四十二里

沁水在縣北四里

丹水北去縣七里分溝灌漑百姓資其利焉

濟水經縣西南去縣三十里

新城壘在縣東北九里武德三年劉德威于此置營

元和郡縣志

卷三

三

武陟縣望西北至州一百里

開元戶七千九百九十九 鄉十六

本漢懷縣地隋開皇十六年分修武縣置武陟縣理武德故城今縣東二十里武德故城是也屬殷州皇朝因之貞觀元年省殷州屬懷州

沁水在縣東一里

故懷城在縣西十一里兩漢河內郡並理之晉移郡理野王

故殷城在縣東南十里楚漢之際司馬卬爲殷王都在

此

武德縣 望西至州四十七里

開元戶一萬二百六十二 鄉二十

本周司寇蘇忿生之州邑也左傳曰周與鄭人蘇忿生之田州陘隤懷注曰州今河內州縣是也漢以為州縣屬河內郡隋開皇十六年改州為邢丘縣遙取古邢丘為名也大業二年改邢丘為安昌縣取安昌侯張禹國城為名也武德二年改為武德縣

太行山在縣北五十里

元和郡縣志

卷三

四

沁水北去縣二里

安昌故城在縣東十三里即張禹所封國城也

故大斛關在縣北一百六里太行山上

平臯陂在縣南二十三里多菱蓮蒲葦百姓資其利周迴二十五里

修武縣

緊西南至州一百二十里

開元戶六千七百一十七 鄉十三

本殷之甯邑韓詩外傳曰武王伐紂勒兵于甯改曰修武左傳曰晉陽處父聘于衛過甯注云汲郡修武縣是

漢以爲縣屬河內郡周武帝以爲修武郡修武縣屬修武郡隋開皇三年罷郡屬懷州武德初屬殷州貞觀元年省殷州依舊屬懷州

太行山在縣北四十二里

天門山今謂之百家巖在縣西北三十七里以巖下可容百家因名上有精舍又有鍛竈處所卽嵇康所居也濁鹿故城在縣界東北二十三里魏文帝受禪封漢帝爲山陽公居河內山陽濁鹿城卽此城也

禪陵在縣北三十五里獻帝陵也以禪讓名

元和郡縣志

卷三

五

獲嘉縣

望西南至州一百六十里

開元戶一萬十四

鄉十九

本漢縣也武帝將幸緱氏至汲縣之新中鄉得南越相呂嘉首因立爲獲嘉縣屬河內郡前獲嘉縣理在今衛州新鄉縣西南十里獲嘉縣故城是也高齊又移于衛州共城隋自共城移于今理

同盟山在縣東北五里武王伐紂與諸侯同盟于此山七賢祠在縣西北四十二里嵇阮祠也

魏州魏郡大都督府

開元戶十一萬七千五百七十五  
元和戶六千九百二十

鄉一百四十五  
鄉四十五

今為魏博節度使理所

管魏州相州博州衛州貝州澶州 管縣四十三

禹貢兗冀二州之域在夏為觀扈之國春秋時為晉地

按沙麓崩在今元城東南四十里是戰國時為衛魏二

國地秦滅魏置東郡滅趙置邯鄲郡漢高祖使韓信定

河北以秦邯鄲郡之南部東郡之邊縣置魏郡即今元

城縣是也後漢封曹操為魏王理鄴前燕慕容暉都鄴

其魏郡並理于鄴中也後魏于今州理置貴鄉郡尋省

周宣帝大象二年

周宣帝年號大成靜帝年號大象此有誤

又于貴鄉郡

### 元和郡縣志

### 卷三

六

東界置魏州隋煬帝大業三年罷州為武陽郡隋亂陷

賊武德四年討平竇建德改置魏州其年又陷劉黑闥

五年平黑闥置總管府七年改為都督府貞觀六年罷

### 都督復為州

### 州境

東西一百九十六里  
南北一百三十八里

### 八到

西南至上都一千六百里  
西南至東都七百五十里

正東微北至博州一百八十里  
東南至鄆州二百四十里

東南渡河至濮州一百九十里  
西至相州二百一十里

西北至洛州一百六十四里  
東北至貝州二百一十里

貢賦 開元貢賦 綿紬 平細 絲 綿 絁 絹

管縣八

貴鄉 元城 魏 館陶 冠氏 朝城

莘 昌樂

貴鄉縣 望郭下管西界

本漢元城縣地後魏孝文帝分置貴鄉縣屬昌樂郡隋開皇三年罷郡縣屬魏州大業三年改屬武陽郡皇朝因之武德初割屬魏州

大河故瀆俗名王莽河西去縣三里

元和郡縣志

卷三

州城前燕慕容暉所築周宣帝于此置州理焉

狄仁傑祠在縣東南四里為魏州刺史百姓為立生祠

古堰今名愜山在縣西九里成帝時河決金堤河堤使

者王延世募人塞之蓋連土塞河之處以其愜當人情

故謂之愜山

元城縣 望郭下管東界

本漢舊縣屬魏郡魏武侯公子元食邑于此因名魏黃

初三年于此置陽平郡高齊省元城縣入貴鄉隋開皇

六年復置貞觀十三年又省入貴鄉聖歷元年重置開

元十三年移在州東北三百步

沙麓在縣東十二里卽春秋經所書沙麓崩漢書以爲元后興之祥也

馬陵在縣東南一里齊將孫臏破魏軍殺龐涓于此

五鹿墟在縣東十二里公子重耳乞食于五鹿人野人與之塊卽此處也

王翁孺墓在縣東二百步元后之祖也

東哲墓在縣東二十五里

魏縣 望東至州四十里

元和郡縣志

卷三

八

本漢舊縣屬魏郡後魏孝文帝分魏縣置昌樂高齊省魏縣屬昌樂縣隋開皇六年又分昌樂置魏縣屬魏州皇朝因之

舊漳河在縣西北十里

新漳河在縣西北二十里

蓋寬饒墓在縣東南八里

館陶縣 緊西至州五十里

本春秋時晉冠氏邑陶丘在縣西北七里爾雅曰再成爲陶丘趙時置館于其側因爲縣名漢屬魏郡魏文帝



改屬陽平郡石趙移陽平郡理此周大象二年置屯州以近屯河爲名隋大業二年廢屯州以縣屬魏州

大河故瀆俗名曰王莽河在縣東四里

屯氏河俗名屯河在縣西二里

白溝水本名白渠隋煬帝導爲永濟渠亦名御河西去縣十里

冠氏縣 緊西至州六十里

本漢館陶縣地隋開皇六年分館陶東界置冠氏縣因古冠氏邑爲名屬屯州隋大業二年廢屯州縣屬魏州

元和郡縣志

卷三

九

王莽河北去縣十八里

冉仲弓墓在縣北二十五里

朝城縣 緊西北至州一百里

本漢東武陽郡在武水之陽故曰武陽其後爲縣屬魏郡隋開皇十六年屬莘州大業二年廢莘州屬魏郡貞觀十七年廢永昌元年置改名武聖開元七年改爲朝城

武河在縣東十步

黃河在縣東二十九里

武陽臺在縣西南一里

扁鵲墓在縣羅城西北隅

莘縣 上西至州一百里

本衛地漢為陽平縣屬東郡魏改屬陽平郡隋開皇六年又于樂平故城置陽平縣屬魏州八年改清平為清邑縣大業二年改為莘縣因縣北古莘亭為名皇朝因之

莘亭在縣北十三里傳曰衛宣公使太子伋之齊使盜待諸莘將殺之二子伋壽爭相為死即此地也

元和郡縣志

卷三

十

昌樂縣 望北至州五十里

本漢舊縣屬東郡後漢省後魏孝文帝于漢舊昌樂城置昌樂郡及昌樂縣周武帝改屬魏郡隋罷郡改屬魏州皇朝因之

王莽河西去縣十六里

相州 鄴郡望

開元戶七萬八千 鄉一百五十一  
元和戶三萬九千 鄉二十九

禹貢冀州之域又為殷盤庚所都曰殷墟項羽與章邯盟于洹水南殷墟是也春秋時屬晉戰國時屬魏魏文

侯使西門豹守鄴是也秦兼天下爲上黨邯鄲二郡之地漢高帝分置魏郡理鄴後漢末冀州理之韓馥爲冀州牧居鄴其後袁紹曹操因之建安十七年冊命操爲魏公居鄴黃初二年以廣平陽平魏三郡爲三魏長安譙許鄴洛陽爲五都石季龍自襄國徙都之仍改太守爲魏尹慕容雋平冉閔又自薊徙都之仍置司隸校尉苻堅平鄴以王猛爲薊州牧鎮鄴後魏孝文帝于鄴立相州初孝文幸鄴訪立州名尚書崔光對曰昔河亶甲居相聖皇天命所相宜曰相州孝文從之蓋取內黃東元和郡縣志

卷三

七

南故殷王河亶甲居相所築之城爲名也至東魏孝靜帝又都鄴城高齊受禪仍都于鄴改魏尹爲清都尹周武帝平齊復改爲相州大象二年自故鄴城移相州于安陽城卽今州理是也隋大業三年改相州爲魏郡武德元年復爲相州後或爲總管或爲都督

州境

東西二百一十四里  
南北一百六十九里

八到

西南至上都一千四百四十里  
西南至東都五百八十里

東至魏州二百一十里

東取臨洛縣北至邢州二百六十五里

東南至滑州一百三十里

西至潞州三百五十里

北至磁州六十五里  
東北至洛州一百八十里

貢賦 開元貢 紗 鳳翮席 胡粉 知母  
賦 綿 絹 絲

管縣十

安陽 鄴 成安 內黃 堯城 洹水

臨漳 臨河 湯陰 林慮

安陽縣 緊郭下

本七國時魏寧新中邑秦昭襄王拔之改名安陽漢初廢以其地屬蕩陰縣晉元人理西南三里置安陽縣屬魏郡後魏并入蕩陰隋開皇十年置安陽縣屬相州皇元和郡縣志

卷三

三

朝因之 韓陵山在縣東北十五里東魏丞相高歡破爾朱兆衆于此山

洹水西南自林慮縣界流入 慮音閭

鄴縣 緊南至州四十里

本漢舊縣屬魏郡晉以懷帝諱改鄴為臨漳縣石季龍徙都之復改為鄴縣冉閔及慕容雋洎東魏高齊並都于此其縣名直至隋氏不改皇朝因之

濁漳水在縣北五里西門豹為鄴令引漳水以富魏之

河內後史起爲鄴令又引漳水溉鄴人歌之曰鄴有賢  
令號爲史公決漳水兮灌鄴旁終古瀉鹵生稻梁今天  
谷井堰卽其遺址也

故鄴城縣東五十步本春秋時齊桓公所築也自漢至  
高齊魏郡鄴縣並理之今按魏武帝受封于此至文帝  
受禪呼此爲鄴都

西門豹祠在縣西十五里

魏武帝西陵在縣西三十里

成安縣 上西南至州一百五十里

元和郡縣志

卷三

三

本漢斥丘縣地屬魏郡土地斥鹵故曰斥丘其地舊屬  
鄴縣高齊文宣帝分鄴縣置成安縣屬清都尹周平齊  
屬魏郡隋開皇三年改屬相州皇朝因之

濁漳水西自滏陽縣界流入

斥丘故城在縣東南三十里本春秋時乾侯邑漢以爲  
斥丘縣左傳曰公如晉次于乾侯

內黃縣

緊西北至州八十里

本漢舊縣屬魏郡河以北爲內南爲外故此有內黃陳  
留有外黃後魏省隋開皇六年重置內黃縣屬相州武

德二年于黎陽置黎州縣屬焉貞觀十七年廢州縣屬相州

湯水南去縣七里

黃澤在縣西北五里

故殷城在縣東南十里殷王河亶甲居相因築此城

永濟渠本名白渠隋煬帝導為永濟渠一名御河北去

縣二百步

堯城縣 上西至州四十里

本漢內黃縣地晉于此置長樂縣高齊省長樂入臨漳

元和郡縣志

卷三

四

縣隋開皇十年分臨漳洹水二縣于此重置長樂縣十

八年改為堯城因所理堯城為名也

洹水在縣北四里

丹朱墓在縣東一里

洹水縣 上西南至州一百二十里

本漢內黃縣地晉于此置長樂縣屬魏郡後魏省孝文

帝復置長樂縣高齊省入臨漳縣周武帝分臨漳置洹

水縣因洹水流入即以為名屬魏郡隋開皇三年割屬

相州皇朝因之

洹水西自堯城縣界流入

鷓鴣陂在縣西南五里周迴八十里蒲魚之利州境所資

永濟渠西去縣二里

臨漳縣

上西南至州六十里

本漢鄴縣地東魏孝靜帝分鄴縣之地于鄴城中置臨漳縣周武帝平齊自鄴城移臨漳縣于今理屬魏郡隋開皇三年改屬相州皇朝因之

東山池在縣西南十五里東魏相高澄所築引萬金渠

元和郡縣志

卷三

五

水爲池作遊賞處

鷓鴣陂在縣東南三十里與洹水縣同利

袁紹墓在縣西北十六里

臨河縣

上西北至州一百二十里

本漢黎陽縣地隋開皇六年分置臨河縣屬衛州其城本春秋時衛新築城十六年改屬黎州大業二年又改屬衛州武德二年重置黎州縣屬焉貞觀十七年廢黎州以縣屬相州

黃河南去縣五里

湯陰縣 上北至州四十里

本七國時魏蕩陰邑也漢以為縣屬河內郡縣有蕩水因取名焉晉屬魏郡後魏省隋開皇六年重置蕩陰縣屬相州十六年改屬黎州武德四年分安陽置蕩源縣屬衛州十六年改屬相州貞觀元年從漢舊名改為湯陰

蕩水西去縣三十五里

牖里一名美城在縣北九里紂拘西伯之所也

林慮縣 上東至州一百一十里

元和郡縣志

卷三

六

本漢舊縣屬河內郡以隆慮山在北因為名後避殤帝諱改曰林慮屬朝歌郡晉屬汲郡後魏太武帝省入鄴縣文帝立復屬魏郡周武帝置林慮郡隋開皇三年罷郡縣屬相州武德二年又置巖州五年廢縣又屬相州林慮山在縣北二十里山多鐵縣有鐵官南接太行北連恒岳

博州 博平上

開元戶三萬七千四百七十  
元和戶二千四百三十

鄉七十四  
鄉一十五

禹貢兗州之域春秋時齊之西界聊攝地也戰國時為



齊地秦兼天下今州卽秦東郡地也在漢爲東郡聊城縣之地後魏明元帝于此置平原鎮孝文帝罷鎮置平原郡葛榮之據冀州也又于今理置冀州尋廢孝武帝復置平原郡隋開皇三年置郡十六年于今理置博州大業三年省隋亂宇文化及弒逆自江都舉兵至此竇建德攻陷其城復自據武德四年討平竇建德重置博州

州境東西一百五十七里南北一百六十六里

八到西南至上都一千七百九十里西南至東都九百三十里

元和郡縣志

卷二十

東渡河至鄆州一百八十里東渡河至齊州二百九十里西南至魏州一百八十里西北至貝州一百九十里東北至德州一百六十里

貢賦 開元貢 平紬十疋 綿 絹

管縣六

聊城 武水 堂邑 清平 博平 高唐

聊城縣 緊郭下

本春秋時聊攝地晏子對景公曰聊攝以東其爲人多矣漢以爲縣屬東郡晉屬平原郡高齊改屬濟州隋開

皇三年改屬冀州十六年置博州縣屬焉

黃河南去縣四十三里

在平故城在縣東五十三里在在山之平地石勒之賤也賣在在平人師歡家爲奴

四口故關在縣東南八十里隋置

武水縣 上東北至州六十里

本漢陽平縣地屬東郡隋開皇八年改陽平爲清邑縣十六年分清邑置武水縣屬莘州 卽今博州武水縣理是也在武水

溝之南因名之大業三年廢莘州改屬魏州貞觀元年

元和郡縣志

卷三

六

改屬博州

黃河南去縣二十二里

堂邑縣 上東至州六十里

本漢清縣發于二縣之地屬東郡隋開皇六年于此置堂邑縣屬毛州因縣西堂邑故城爲名大業二年改屬魏州武德四年又屬毛州貞觀元年廢毛州改屬博州樂平故城本漢清縣在縣東三十里後趙錄曰東海王使征東將軍苟晞擊汲桑石勒勒與晞相持戰于平原陽平間爲晞所敗桑奔樂平

堂邑故城在縣西北二十七里高帝五年陳嬰爲堂邑侯嬰孫午繼封尚館陶公主

清平縣 上東南至州八十里

本漢清陽縣地屬清河郡隋開皇六年自今貝州清河縣界移貝丘縣于今理屬貝州十六年改貝州爲清平縣屬博州大業二年省博州改屬貝州隋亂廢武德四年重置屬博州

博平縣 上西南至州七十里

本齊之博陵邑也史記曰齊威王伐晉博陵是也漢以元和郡縣志  
爲縣屬東郡晉屬平原國隋開皇三年改屬毛州十六年改屬博州

卷十

九

故攝城在縣西南二十里晏子曰聊攝以東其爲人多矣卽此城也

高唐縣 上西南至州一百一十里

本齊邑春秋夙沙衛奔高唐以叛史記齊威王曰吾臣有盼子者使守高唐趙人不敢東漁于河漢以爲縣屬平原郡後魏屬濟州高齊改屬平原郡隋開皇十六年改屬博州皇朝因之長壽二年改爲崇武縣神龍二年

復舊名

黃河在縣東四十五里

華歆墓在縣東二十里

衛州 汲郡望

開元戶三萬六百六十六  
元和戶二千七百七十七

鄉六十七  
鄉一十九

禹貢冀州之域後為殷都在今州東北七十三里衛縣北界朝歌故城是也今州理即殷牧野之地周武王滅殷分其畿內為三國詩國風邱鄘衛是也邶封紂子武庚鄘管叔尹之衛蔡叔尹之以監殷人謂之三監武王

元和郡縣志

卷三十

三

崩三監及淮夷叛成王既伐管叔蔡叔以殷封康叔為衛侯今郡及魏郡之黎陽河內之野王朝歌皆衛之分其後十五葉懿公為翟所滅更封于楚丘今滑州衛南縣是也河內殷墟更屬于晉後又屬齊戰國時屬魏秦屬河東郡在漢為汲縣屬河內郡魏黃初中置朝歌郡屬冀州晉武帝改朝歌為汲郡仍屬冀州後魏孝靜帝移汲郡理枋頭城今在衛縣界又于汲縣置義州以處歸附之人周武帝改義州為衛州隋大業三年改為汲郡武德元年又改為衛州二年陷竇建德四年討平仍

舊名焉

州境 東西二百三十六里  
南北一百四十一里

八到 西南至上都一千二百五十里  
西南至東都三百九十里  
東渡河至滑州一百一十五里  
正南渡河至鄭州二百三十里

正西微南至懷州二百六十里  
西北踰山至澤州陵山縣二百四十里

東北至相州一百九十里  
東北至澶州二百五十里

貢賦 開元貢 絹 綿 絹

管縣五

汲 新鄉 衛 共城 黎陽

元和郡縣志

卷三

三

汲縣 緊郭下

本漢舊縣屬河內郡後魏于此置義州及伍城郡伍城縣周改義州為衛州伍城縣屬衛州隋開皇六年改伍城縣為汲州大業三年改屬汲郡武德元年重置義州汲縣屬焉四年廢義州縣屬衛州

黃河西自新安縣界流入經縣南去縣七里謂之棘津亦謂之石濟津左傳曰晉伐曹假道于衛衛人弗許還自南河濟是也宋元嘉中遣宣威將軍垣護之以水軍守石濟亦是此處也

比干墓及廟在縣北十里

太公廟在縣西北二十五里太公卽河內汲人也

新鄉縣

緊東至州四十八里

本漢獲嘉縣汲縣二縣地隋開皇六年于兩縣地新築城中置新鄉縣屬衛州武德四年屬殷州貞觀元年廢殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武帝將幸緱氏至汲縣新中鄉得呂嘉首以爲獲嘉縣

元和郡縣志

卷二十

三

衛縣

緊西南至州六十八里

本漢朝歌縣屬河內郡魏黃初中朝歌縣又屬朝歌郡晉武帝改爲汲郡隋開皇三年罷郡縣屬衛州大業二年改朝歌爲衛縣屬汲郡皇朝因之

黑山在縣北五十五里漢末眭固白繞等起黑山聚衆十餘萬號黑山賊

蘇門山在縣西北十一里孫登所隱阮籍嵇康所造之處

延津在縣西二十六里魏曹公遣于禁渡河守延津卽

此地也

枋頭故城在縣東一里建安九年魏武在淇水口下大枋木爲堰遏淇水令入白渠以開運漕故號其處爲枋頭晉太和四年桓溫北伐慕容暉時亢旱水道不通乃鑿鉅野三百餘里以通舟運自清水入河暉將慕容垂率衆八萬來拒溫大破之遂至枋頭軍糧竭盡溫焚舟步退垂以八千騎追溫戰敗于襄邑亦謂此也後苻氏克鄴改枋頭爲昌水縣十六國春秋曰晉劉牢之救苻丕慕容垂率師至枋頭以拒之知晉軍盛乃退後魏嘗

元和郡縣志

卷十

三

移汲郡理此

陽河水出縣西北平地卽紂斲朝涉之脛處朝歌故城在縣西二十一里殷之故都也

鹿臺在縣西殷紂營之七年乃成大三里高十丈

共城縣

上東南至州六十二里

本周共伯國厲王無道流崩于鉞共伯奉王子靖立爲宣王共伯復歸于國漢以爲縣屬河內郡晉屬汲郡高齊省隋開皇四年加城字于此置共城縣屬衛州皇朝因之

白鹿山在縣西五十四里

天門在縣西五十里

淇水源出縣西北沮洳山至衛縣入河謂之淇水口

故凡城在縣西二十里古凡伯國也

百門陂在縣西北五里方五百許步百姓引以溉稻田此米明白香潔異于他稻魏齊以來常以薦御陂南通漳水

黎陽縣 上西南至州一百二十里

古黎侯國漢爲黎陽縣在黎陽山北屬魏郡後魏屬黎

元和郡縣志

卷三

三

陽郡隋開皇三年屬衛州十六年又屬黎州大業二年省黎州縣屬衛州皇朝武德二年重置黎州縣屬焉貞觀十七年黎州廢復屬衛州

大伾山正南去縣七里卽黎山也尙書云東過洛汭至子大伾注曰山再成曰伾

枉人山在縣西北四十二里或言紂殺比干于此

黎陽鎮故城在縣東南一里古翟遼城也翟遼于此僭號皇朝改曰白馬鎮

袁譚故城在縣西南百步



曹公故城在縣西南一里是曹公攻譚時所築

白馬故關在縣東一里五步酈食其說高祖曰杜白馬之津卽此處也後更名黎陽津慕容德自鄴將徙滑臺至黎陽津風飄舡渡魏軍垂至三軍色懼昏而冰合是夜濟訖旦而魏軍至冰亦消泮德大悅改黎陽津爲天橋津高齊文襄征潁城仍移石濟關于此卽造橋焉改名白馬關周又改名黎陽關

貝州 清河上

開元戶八萬四千四百  
元和戶二萬一百二

鄉一百七十七  
鄉三十五

元和郡縣志

卷三

三五

禹貢冀州之域春秋時其地屬晉七國時屬趙秦兼天下以爲鉅鹿郡漢文帝又分鉅鹿置清河郡以郡臨清河  
水故號清河後漢以爲清河國周武帝建德六年齊于此置貝州因丘以爲名隋大業三年又爲清河郡隋末陷賊武德四年討平竇建德復置貝州

州境 東西二百四十九里  
南北一百九十里

八到 西南至上都一千八百二十里  
西南至東都九百六十里

東至博州一百九十里  
南至魏州二百一十里

西至邢州二百三十里  
北至冀州二百一十里

正東微北至德州一百三十里

貢賦 開元貢 賦 白氈 緜 絹

管縣十

清河 清陽 歷亭 東武城 宗城 經城

漳南 臨清 夏津 永濟

清河縣 緊郭下

本漢信城縣地屬清河郡後漢省信城縣置清河縣至隋不改皇朝因之

故未桎城在縣東北五十里十六國春秋曰鮮卑段末

元和郡縣志  卷三 三

桎自稱遼西公于此築城與石勒相持因為名

永濟渠東南去縣十里

清陽縣 緊郭下

本漢舊縣也屬清河郡後漢省清陽縣其地屬甘陵縣隋開皇六年重置皇朝因之

甘陵在縣城內後漢清河王慶陵慶即安帝父也

歷亭縣 上西南至州一百里

本漢東陽縣地屬清河郡後漢省東陽縣其地屬鄆縣

鄆音 輸 隋開皇十六年于此置歷亭縣遙取漢歷縣為名

皇朝因之

東陽故城在縣西十八里漢高祖以張相如爲東陽侯  
東武城縣 上西南至州四十二里

本七國時趙邑史記曰趙平原君勝封東武城卽此地  
也蓋以定襄有武城同屬趙故此加東字以辨之屬清  
河郡隋開皇三年改屬貝州皇朝因之自後魏以來山  
東貴族清河諸崔卽此邑人也爲天下甲族

宗城縣

望東北至州六十里

本後漢章帝分立廣宗縣屬鉅鹿郡後魏改屬廣宗郡

元和郡縣志

卷三

三

隋開皇三年改屬貝州仁壽元年改宗城縣皇朝因之  
張甲河在縣南二十五里

漳水東去縣二十七里

經城縣

上東至州六十里

本後漢分前漢堂陽縣于今縣西北二十里置經城縣  
後魏省併入南宮縣孝文帝又于今理置經城縣又置  
廣宗郡高齊省郡及縣仍置武強縣于此隋開皇六年  
移武強縣于此置經城縣屬貝州皇朝因之

張甲枯河東去縣十里

漳南縣

上西南至州一百一十里

本漢東陽縣之地隋開皇六年置東陽縣屬德州取漢東陽之名十六年改屬貝州十八年改爲漳南縣以漳水在縣北故名也皇朝因之

永濟渠在縣東五十里

漳水在縣北四十六里

臨清縣

緊東北至州六十里

本漢清泉縣地後魏孝文帝于此置臨清縣屬魏郡高齊省隋開皇六年復置臨清縣屬貝州皇朝因之

元和郡縣志

卷三

六

貝丘城在縣東南五十里漢貝丘縣城也城內有丘高五丈周迴六十八步城因此爲名春秋公田于貝丘是齊州地與此異也

永濟渠在縣城西門外

夏津縣

上西北至州九十里

本漢鄆縣地呂他欒布皆爲鄆侯田蚡奉邑亦在鄆屬清河郡隋大業二年改屬貝州天寶元年改爲夏津縣屯氏河在縣北

永濟縣

緊東北至州一百一十里

本漢貝丘縣地臨清縣之南偏大歷七年田承嗣奏于張橋行市置西井永濟渠故以為名

永濟渠在縣西郭內闊一百七十尺深二丈四尺南自汲郡引清淇二水東北入白溝穿此縣入臨清按漢武時河決館陶分為屯氏河東北經貝州冀州而入渤海此渠蓋屯氏古瀆隋氏修之因名永濟

澶州 頓丘上

元和戶三千二百六十九 鄉一十七  
此州廢自貞觀至大歷乃復置故不載開元戶

元和郡縣志

卷三十

堯

本漢頓丘縣地武德四年分魏州之頓丘觀城二縣于今理置澶州因澶水為名又分置澶水縣貞觀元年廢澶州以澶水縣屬黎州今衛州黎陽縣理是也非成都管內黎州大歷七年魏博節度使田承嗣又奏置澶州

州境 東西一百二十九里 南北七十里

八到 西南至上都一千五百里 西南至東都六百三十里

東至濮州范縣一百一十里  
南至濮州濮陽縣三十六里  
西南至衛州二百五十里  
西至相州內黃縣七十里  
西至相州臨河縣八十里  
北至魏州一百一十里

東北至魏州朝城縣九十四里

貢賦

元和貢賦

平細絹

絹粟

管縣四

頓丘 臨黃 觀城 清豐

頓丘縣

望郭下

本漢舊縣因縣東北頓丘以為名屬東郡晉屬頓丘郡隋廢郡屬魏州武德初割屬澶州州廢還屬魏州大歷初又屬澶州

秋山在縣西北三十五里

元和郡縣志

卷三

三

黃河在縣南三十五里

顓頊陵在縣西北三十五里

帝營陵在縣北三十里

衛康叔墓在縣東北九十里

臨黃縣

上西至州六十七里

本漢觀縣地後漢改觀縣為衛縣後魏孝文帝分衛縣置臨黃縣以北臨黃溝因以為名屬頓丘郡隋改屬魏郡武德初割屬澶州州廢還屬魏州大歷初又屬澶州黃河南去縣三十六里

盧津關古高陵津縣東南三十五里

魏長賢墓在縣北十五里貞觀七年追贈定州刺史卽徵父也

觀城縣

緊西至州二十四里

漢觀縣古之觀國左傳曰虞有三苗夏有觀扈國語注曰觀國夏啓子太康之第五弟所封也在衛縣夏相滅之漢以爲縣屬東郡後漢改觀縣爲衛國縣屬東郡隋開皇六年改衛國縣爲觀城縣屬衛州武德四年以觀城屬澶州州廢還屬魏州大歷初隸澶州

元和郡縣志

卷三

三

衛靈公墓在縣東南四十二里

清豐縣

上東至州二十五里

本漢內黃縣地大歷七年于清豐店置因以爲名  
黃河在縣南五十里

元和郡縣志卷二十